

日本書紀卷第七

			一 二 八 五 五	和 書 門
一 五	六	二 五	函 號	類
冊	架			

二 七 〇	八 九	二 八 五 五	和 書
架	冊	號	類

內閣文庫	
番號	和 12855
冊數	15 (7)
函號	270 21



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



日本書紀卷第十四

大泊瀬幼武天皇 雄略天皇

大泊瀬幼武天皇 雄朝津間稚子宿祢天皇第

五子也天皇產而神光滿殿長而伉健過人三

年八月穴穗天皇意將沐浴幸干山宮遂登樓

考遊目因命酒兮肆宴爾乃情盤樂極間以言

談願謂皇后 去來穗別天皇 女曰中蒂姬皇女

皇子大草香皇子娶長田皇女生眉輪王也於

後穴穗天皇用根臣

蒂姬皇女為皇右古之俗乎曰吾妹稱妻為妹蓋汝雖親

語在穴穗天皇紀曰吾妹稱妻為妹蓋汝雖親

昵朕畏眉輪王眉輪王幼年遊戲樓下悉聞所

談既而穴穗天皇枕皇后膝晝醉眠卧於是眉

輪王伺其熟睡而刺弑之是日大舍人闕姓驟

言於天皇曰穴穗天皇為眉輪王見弑天皇大

驚即猜兄等被甲帶刃卒兵自將逼問八鈞白

彥皇子皇子見其欲害嘿坐不語天皇乃拔刀

而斬更逼問坂合黑彥皇子皇子亦知將害嘿

坐不語天皇忿怒弥盛乃復并為欲殺眉輪王

案劾所由眉輪王曰臣元不求天位唯報父仇

而已坂合黑彥皇子深恐所疑竊語眉輪王遂

共得間而出逃入圓大臣宅天皇使使乞之大

臣以使報曰蓋聞人臣有事逃入王室未見君

王隱匿臣舍方今坂合黑彥皇子與眉輪王深

恃臣心來臣之舍誰忍送歟由是天皇復益興

兵圍大臣宅大臣出立於庭索脚帶時大臣妻

持來脚帶愴矣傷懷而歌曰飭泚能古歎多倍
 能婆伽摩嗚那那陞嗚絕你播你陀陀始諦阿
 遥比那陀須暮大臣裝束已畢進軍門跪拜曰
 臣雖被戮莫敢聽命古人有云匹夫之志難可
 奪方屬乎臣伏願大王奉獻臣女韓媛與葛城
 宅七區請以贖罪天皇不許縱火燔宅於是大
 臣與黑彥皇子眉輪王俱被燔死時坂合部連
 贊宿祢抱皇子屍而見燔死其舍人等闕名收

取所燒遂難擇骨盛之一棺合葬新漢擬本南
 立擬字未詳冬十月癸未朔天皇恨穴穗天皇
 曾欲以市邊押盤皇子傳國而遥付囑後事乃
 使人於市邊押盤皇子陽期カレセント遊郊野曰
 近江狹狹城山君韓佈言今於近江來田綿蚊
 屋野猪鹿多有其戴角類枯樹末其聚脚如弱
 木林呼吸氣息似於朝霧願與皇子孟冬作陞
 之月寒風肅然之晨將逍遙於郊野聊娛情以

騁射市邊押磐皇子乃隨馳獵於是大泊瀨天
 皇彎弓驟馬而陽呼曰猪有即射殺市邊押磐
 皇子皇子帳內佐伯部賣輪更名仲子抱屍駭愧不
 解所由反側呼彌往還頭脚天皇尚誅之是月
 御馬皇子以曾善三輪君身狹故思欲遣慮而
 往不意道逢邀軍於三輪磐井側逆戰不父被
 捉臨刑指井而詛曰此水者百姓唯得飲焉王
 者獨不能飲矣十一月壬子朔甲子天皇命有

司設壇於泊瀨朝倉即天皇位遂定宮焉以平
 群臣真鳥為大臣以大伴連室屋物部連目為
 大連

元年春三月庚戌朔壬子立草香幡梭姬皇女
 為皇后更名橘姬是月立三妃元妃葛城圓大臣女
 曰韓媛生白髮武廣國押稚日本根子天皇與
 稚足姬皇女更名務幡是皇女侍伊勢大神祠
 次有吉備上道臣女稚媛本云吉備生一男

長曰磐城皇子少曰星川稚宮皇子見下次有
 春日和珥臣深目女曰童女君生春日大娘皇
 女更名高橋童女君者本是采女天皇與一夜
 而娠遂生女子天皇疑不養及女子行步天皇
 御大殿物部目大連侍焉女子過庭目大連顧
 謂群臣曰麗哉女子古人有云娜毗騰耶嗟磨
 珥古語徐步清庭者言誰女子天皇曰何故
 問耶目大連對曰臣觀女子行步容儀能似天

皇天皇曰見此者咸言如卿所導然朕與一宵
 而娠產女殊常由是生疑大連曰然則一宵喚
 幾迴乎天皇曰七迴喚之大連曰此娘子以清
 身意奉與一宵安輒生疑嫌他有潔臣聞易產
 腹者以禪觸體即便懷娠况與終宵而妄生疑
 也天皇命大連以女子為皇女以母為妃是年
 也大歲丁酉
 二年秋七月百濟池津媛違天皇將幸媼於石

河楯舊本云石河天皇大怒詔大伴室屋大連

使來目部張夫婦四支於木置假廢上以火燒

死百濟新撰云巳巳年蓋鹵王立天皇遣阿禮

進於女即貞冬十月辛未朔癸酉幸于吉野宮丙

子幸御馬瀨命虞人縱獵凌重瀨赴長萃未及

移影彌什七八每獵大獲鳥獸將盡遂旋憩乎

林泉相羊乎菽澤息行夫展車馬問羣臣曰獵

場之樂使膳夫割鮮何與自割羣臣忽莫能對

於是天皇大怒拔刀斬御者大津馬飼是日車

駕至自吉野宮國內居民咸皆振怖由是皇太

后與皇后聞之大懼使倭采女日媛舉酒迎進

天皇見采女面貌端麗形容温雅乃和顏悅色

曰朕豈不欲觀汝妍咲乃相携乎入於後宮語

太后曰今日遊獵大獲禽獸欲與羣臣割鮮野

饗歷問羣臣莫能有對故朕嗔焉皇太后知斯

詔情奉慰天皇曰群臣不悟陛下因遊獵場置

害人部降問群臣羣臣嘿然理且難對今貢未
晚以我為初膳臣長野能作實膳願以此貢天
皇跪禮而受曰善哉鄙人所云貴相知心此之
謂也皇太后視天皇悅歡喜盈懷更欲貢人曰
我之厨人免田御戸部真鋒田高天以此二人
請將加貢為害人部自茲以後大倭國造吾子
籠宿祢貢狹總子鳥別為害人部臣連伴造國
造又隨續貢是月置史戸河上舍人部天皇以

心為師誤殺入衆天下誅謗言大惡天皇也唯
所愛寵史部身狹村主青檜隈民使博德等也
三年其四月阿閉臣國見更名磯譖榜幡皇女
與湯人廬城部連武彦曰武彦汗皇女而使任
身湯人此武彦之父枳莒喻聞此流言恐禍及
身誘卒武彦於廬城河偽使鸕鷀沒水捕魚因
其不意而打殺之天皇聞遣使者案問皇女皇
女對言妾不識也俄而皇女賚持神鏡詣於五

十鈴河上伺人不行埋鏡經死天皇疑皇女不

在恒使闇夜東西求覓乃於河上虹見如蛇四

五丈者堀虹起處而獲神鏡移行未遠得皇女

屍剖而觀之腹中有物如水水中有石枳莒喻

由斯得雪子罪還悔殺子報殺國見逃匿石上

神宮

四年春二月天皇射獵於葛城山忽見長人來

望丹谷面貌容儀相似天皇天皇知是神猶故

問曰何處公也長人對曰現人之神先稱王諱

然後應尊天皇答曰朕是幼武尊也長人次稱

曰僕是一事主神也遂與盤干遊田駢逐一鹿

相辭發箭並轡馳騁言詞恭恪有若逢仙於是

日晚田罷神侍送天皇至來目水是時百姓咸

言有德天皇也秋八月辛卯朔戊申行幸吉野

宮庚戌幸于河上小野命真人駢獸欲躬射而

待虻疾飛來嗜天皇臂於是蜻蛉忽然飛來齧

蟲將去天皇嘉歎有心詔羣臣曰為朕讚蜻蛉

歌賦之群臣莫能敢賦者天皇乃口號曰野磨

等能鳴武羅能陀該徐之之符須登拖例柯舉

能居登餒衰磨陞徐麻鳴須一本以飲衰磨陞

麻鳴須飲衰枳泚鞞賦據鳴枳舸斯題拖磨磨

枳能阿娛羅徐陀陀伺一本以陀陀伺施都魔枳

能阿娛羅徐陀陀伺斯斯魔都登倭我伊麻西

磨佐謂麻都登倭我陀陀西磨陀俱符羅爾阿

武柯枳都枳都會能阿武鳴媯枳豆波野俱譬

波賦武志謀飲衰枳泚徐磨都羅符讎我柯陀

播於柯武媯岐豆斯麻野麻登一本以婆賦武

矩能御等難徐於婆武登蘇羅泚豆野因讚蜻

磨等能矩徐鳴媯岐豆斯麻登以符

鈴名此地為蜻蛉野

五年春二月天皇狩獵于葛城山靈鳥忽來其

大如雀尾長曳地而且鳴曰努力努力俄而見

逐噴猪從草中暴出逐入獵徒綠樹大懼天皇

詔舍人曰猛獸逢人則止宜逆射而且刺舍人
性懦弱緣樹失色五情無主嗔猪直來欲噬天
皇天皇用弓刺止舉脚踏殺於是田罷欲斬舍
人舍人臨刑而作歌曰野須湊斯志倭我餒衰
枳涿能阿蕪磨斯志斯能宇拖枳舸斯固涿
倭我尼碍能衰利志阿理嗚能宇倍能婆利我
曳陀阿西嗚皇后聞悲興感止之詔曰皇后不
與天皇而願舍人對曰國人皆謂陛下安野而

好獸無乃不可乎今陛下以嗔猪故而斬舍人
陛下譬無異於豺狼也天皇乃與皇右上車歸
呼萬歲曰樂哉人皆獵禽獸朕獵得善言而歸
夏四月百濟加須利君蓋鹵飛聞池津媛之所
燔殺適統替女而籌議曰昔貢女人為采女而既
無禮失我國名自今以後不合貢女乃告其弟
軍君岷支曰汝宜往日本以事天皇軍君對曰
上君命不可奉違願賜君婦而後奉遣加須利

君則以孕婦既嫁與軍君曰我之孕婦既當產
月若於路產奠載一船隨至何處速令送國遂
與辭訣奉遣於朝六月丙戌朔孕婦果如加須
利君言於筑紫各羅嶋產兒仍名此兒曰嶋君
於是軍君即以一船送嶋君於國是為武寧王
百濟人呼此嶋曰主嶋也秋七月軍君入京既
而有吾子百濟新撰云辛丑年蓋鹵王遣王遣
弟琨支君向大倭侍天皇以脩先王
也之好

六年春二月壬子朔乙卯天皇遊乎泊瀨小野
觀山野之體勢慨然興感歌曰舉暮利矩能播
都制能野磨播伊麻拖智能與慮斯企野磨和
斯里底能與廬斯企夜磨能擾暮利矩能播都
制能夜麻播阿野你于羅虞波斯阿野你于羅
虞波斯於是名小野曰道小野三月辛巳朔丁
亥天皇欲使后妃親桑以勸蠶事爰命螺羸
人名也此云須我屢聚國內蚕於是螺羸誤聚嬰兒奉獻

天皇天皇大咲賜嬰兒於螺羸曰汝宜自養螺
羸即養嬰兒於官墻下仍賜姓爲少子部連夏
四月吳國遣使貢獻モラウエツル曰

七年秋七月甲戌朔丙子天皇詔少子部連螺

羸曰朕欲見三諸岳神之形或云此山之神爲
天物代主神也或

云菟田墨汝齊力過人自行捉來螺羸答曰試

往捉之乃登三諸岳提取大蛇奉示天皇天皇

不齋戒其雷虺虺目精赫赫天皇畏蔽目不見

劫入殿中使放於岳仍改賜名爲雷八月官者

吉備弓削部虚空輒急歸家吉備下道臣前津

屋留使虚空經月不肯聽上京都天皇遣身毛

君丈夫召焉虚空被召來言前津屋以小女爲

天皇人以大女爲己人競令相鬪見幼女勝即

拔刀而殺復以小雄雞呼爲天皇鷄拔毛剪翼

以大雄鷄呼爲己鷄著鈴金距競令鬪之見禿

鷄勝亦拔刀而殺天皇聞是語遣物部兵士三

十人誅殺前津屋并族七十人是歲吉備上道
 臣田狹侍於殿側盛稱稚媛於朋友曰天下麗
 人莫若吾婦茂矣綽矣諸好備矣擘矣温矣種
 相足矣鈿花弗御蘭澤無加曠世罕儔當時獨
 秀者也天皇傾耳遙聽而心悅焉便欲自求稚
 媛為女御并田狹為任那國司俄而天皇幸稚
 媛田狹臣娶稚媛而生兄君弟君也別本云田狹臣婦名媛者葛城襲津彦子玉田宿禰之也田狹既之女也天皇聞體貌開麗殺夫自幸焉

任所聞天皇之幸其婦思欲求援而入新羅于
 時新羅不事中國天皇詔田狹臣子弟君與吉
 備海部直赤尾曰汝宜往罰新羅於是西漢才
 伎歡因知利在側乃進而奏曰巧於奴者多在
 韓國可召而使天皇詔群臣曰然則宜以歡因
 知利副弟君等取道於百濟并下勅書令獻巧
 者於是弟君銜命率衆行到百濟而入其國國
 神化為老女忽然逢路弟君就訪國之遠近老

女報言復行一日而復可到第君自思路遠不
伐而還集聚百濟所貢今來才伎於大嶋中託
稱候風淹留數月任那國司田狹臣乃嘉第君
不伐而還密使人於百濟戒第君曰汝之領項
有何牢錮而伐人乎傳聞天皇幸吾婦遂有兒
息見息已今恐禍及於身可躡足待吾兒汝者
跨擾百濟勿使通於日本吾者擾有任那亦勿
通於日本弟君之婦樟媛國家情深君臣義切

忠踰白日節冠青松惡斯謀叛盜殺其夫隱埋
室內乃與海部直赤尾將百濟所獻手末才伎
在大嶋天皇聞弟君不在遣日鷹吉士堅磐固
安錢堅磐此云使共復命遂即安置於倭國吾
礪廣津邑而病死者衆廣津此云由是天皇詔
大伴大連室屋命東漢直掬以新漢陶部高貴
鞍部堅貴盡部因斯羅我錦部定安那錦譯語
安那那等遷居千上桃原下桃原真神原三所

或本云吉倫臣弟君還自百濟
獻漢手以部衣縫部害人部

八年春二月遣身狹村主青檜隈民使博德使

於吳國自天皇即位至于是歲新羅國皆誕苞

苴不入於今八年而大懼中國之心脩好於高

麗由是高麗王遣精兵一百人守新羅有頃高

麗軍士一人取假歸國時以新羅人為典馬

此云于而顧謂之曰汝國為吾國所破非久矣

一本云汝國果其典馬聞之陽患其腹退而在

後遂逃入國說其所語於是新羅王乃知高麗

偽守遣使馳告國人曰人殺家內所養鷄之雄

者國人知意盡殺國內所有高麗人惟有遣高

麗一人乘間得脫逃入其國皆具為說之高麗

王即發軍兵屯聚筑足流城或本云都城遂歌舞

興樂於是新羅王夜聞高麗軍四面歌舞知賊

盡入新羅地乃使人於任那王曰高麗王征伐

我國當此之時若綴旒然國之危殆過於累卵

命之脩短大所不計伏請救於日本府行軍元帥等由是任那王勸膳臣斑鳩斑鳩此云吉脩臣小梨難波吉士赤目子往救新羅膳臣等未至營止高麗諸將未與膳臣等相戰皆怖膳臣等乃自力勞軍令軍中促為攻具急進攻之與高麗相守十餘日乃夜鑿險為地道悉過輜車設奇兵會明高麗謂膳臣等為遁也悉軍來追乃縱奇兵步騎夾攻大破之二國之悉自此而

生言二國者高麗新羅也膳臣等謂新羅曰汝以至弱當

至強官軍不救必為所乘將成人地殆於此役

自今以後豈背天朝也

九年春二月甲子朔遣九河内直香賜與采女

祠胸方神香賜與采女既至壇所香賜此云及

將行事斲其采女天皇聞之曰祠神祈福可不

慎歟乃遣難波日鷲吉士將誅之時香賜即逃

亡不在天皇復遣弓削連豐穗普求國內縣遂

於三嶋郡藍原執而斬焉三月天皇欲親伐新
羅神戒天皇曰無往也天皇由是不果行勅紀
小弓宿祢蘇我韓子宿祢大伴談連談此云小
鹿次宿祢等曰新羅自居西土累葉稱臣朝聘
無違貢職允濟逮乎朕之王天下投身對馬之
外窟跡匝羅之表阻高麗之貢吞百濟之城况
復朝聘既闕貢職莫脩狼子野心飽飛飢附以
汝四卿并爲大將宜以王帥薄伐天討龍興行於

是紀小弓宿祢使大伴室屋大連憂陳於天皇
曰臣雖拙弱敬奉勅矣但今臣婦命過之際莫
能視養臣者公與將此事具陳天皇於是大伴
室屋大連具爲陳之天皇聞悲類歎以吉備上
道采女大海賜於紀小弓宿祢爲隨身視養遂
推轂以遣焉紀小弓宿祢等即入新羅行屠傍
郡行屠並新羅王夜聞官軍四面鼓聲知盡得
地與數百騎馬軍亂走是以大敗小弓宿祢

德

日本書紀

卷

四

追斬敵將陣中咏地悉定遺衆不下紀小弓宿
衿亦收兵與大伴談連等會兵復大振與遺衆
戰是夕大伴談連及紀齒前來目連皆力鬪而
死談連從人同姓津麻呂後入軍中尋覓其主
從軍覓出問曰吾主大伴公何處在也人告之
曰汝主等果爲敵手所殺指示屍處津麻呂聞
之踏叱曰主旣已陷何用獨全因復赴敵同時
殞命有頃遺衆自退官軍亦隨而却大將軍紀
小弓宿衿值病而薨夏五月紀大磐宿衿聞父
旣薨乃向新羅執小鹿火宿衿所掌兵馬船官
及諸小官專用威命於是小鹿火宿衿深怨乎
大磐宿衿乃詐告於韓子宿衿曰大磐宿衿謂
僕曰我當復執韓子宿衿所掌之官不久也願
固守之由是韓子宿衿與大磐宿衿有隙於是
百濟王聞日本諸將緣小事有隙乃使人於韓
子宿衿等曰欲觀國埒請垂降臨是以韓子宿

子宿衿等曰欲觀國埒請垂降臨是以韓子宿

衿等並轡而往及至於河大磐宿衿飲馬於河
是時韓子宿衿從後而射大磐宿衿鞍瓦後橋
大磐宿衿愕然反視射隨韓子宿衿於中流而
死是三臣由前相競行亂於道不及百濟王宮
而却還矣於是采女大海從小弓宿衿喪到來
日本遂憂諮於大伴室屋大連曰妾不知葬所
願占良地大連即爲奏之天皇勅大連曰大將
軍紀小弓宿衿龍驤虎視旁眺八維掩討逆節

折衝四海然則身勞萬里命墜三韓宜致哀矜
死視喪者又汝大伴卿與紀卿等同國近隣之
人由來尚矣於是大連奉勅使土師連小鳥作
冢墓於田身輪邑而葬之也由是大海欣悅不
能自默以韓奴室兄磨弟磨御倉小倉針六口
送大連吉備上道蚊嶋田邑家人部是也別小
鹿火宿衿從紀小弓宿衿喪來時獨留甬國使
倭子連連未詳何姓人奉八咫鏡於大伴大連而衿請

曰僕不堪共紀卿奉事天朝故請留住角國是
以大連為奏於天皇使留居于角國是角臣等
初居角國而名角臣自此始也秋七月壬辰朔
河內國言飛鳥戶郡人田邊史伯孫女者古市
郡人書曾加龍之妻也伯孫聞女產兒往賀賀
家而月夜還於蓬萊立譽田陵下蓬萊此云逢
騎赤駿者其馬時濩略而龍翁欲從擢而鴻驚
異體蓬生殊相逸發伯孫就視而心欲之乃鞭

所乘駿馬齊頭並轡爾乃赤駿超摠純於埃塵
驅驚迅於滅沒於是駿馬後而怠足不可復
追其乘駿者知伯孫所欲仍停換馬相辭取別
伯孫得駿甚歡驟而入廐解鞍秣馬眠之其明
且赤駿變為土馬伯孫心異之還覓譽田陵乃
見駿馬在於土馬之間取而代而置所換土馬
十年秋九月乙酉朔戊子身狹村主青將吳所
獻二駃到於筑紫是駃為水間君犬所齧死

云是鵝為筑紫嶺縣由是水間君恐怖憂愁不
主泥麻呂犬所齧死

能自默獻鴻十侯與養鳥人請以贖罪天皇許

焉冬十月乙卯朔辛酉以水間君所獻養鳥人

等安置於輕村磐余村二所

十一年夏五月辛亥朔近江國栗太郡言白鷗

鷄居于谷上濱因詔置川瀨舍人秋七月有從

百濟國逃化來者自稱名曰貴信又稱貴信吳

國人也磐余吳琴彈壇手屋形麻呂等是其後

也冬十月鳥官之禽為菟田人狗所齧死天皇

瞋黥面而為鳥養部於是信濃國直丁與武藏

國直丁侍宿相謂曰嗟乎我國積鳥之高同於

小墓且暮而食尚有其餘今天皇由一鳥之故

而黥人面太無道理惡行之主也天皇聞而使

聚積之直丁等不能忽備仍詔為鳥養部

十二年夏四月丙子朔己卯身狹村主青與檜

隈民使博德出使于吳冬十月癸酉朔壬午天

皇命木工コタミ鬪鷄御田一本云猪名部始起樓閣御田蓋誤也

於是御田登樓疾走四方有若飛行時有伊勢

采女仰觀樓上恠彼疾行顛仆於庭覆所擊饌饌者御膳之物也

天皇便疑御田斫其采女自念將刑

而付物部時秦酒公侍坐欲以琴聲使悟於天

皇橫琴彈曰柯武柯噬能伊制能伊制能奴能

娑柯曳鳴伊哀甫流柯枳底志我都矩屢麻泥

爾飲哀枳泚爾柯拖俱都柯陪麻都羅武騰倭

我伊能致謀那我俱母戲騰伊比志拖俱弥瞞

夜阿拖羅陀俱弥瞞夜於是天皇悟琴聲而赦其罪

十三年春三月狹穗彦玄孫齒田根命竊斫采

女山邊小嶋子天皇聞以齒田根命收付於物

部目大連而使責讓齒田根命以馬八匹大刀

八口ヤツ袞除罪過既而歌曰耶麼能謚能故思麼

古喻衛爾比登涅羅賦宇麼能耶都擬播鳴思

稽矩謀那斯目大連聞而奏之天皇使齒田根
命資財露置於餌香市邊橘本之士遂以餌香
長野邑賜物部日大連秋八月播磨國御井隈
人文石小麻呂有力強心肆行暴虐路中抄劫
不使通行又斷商客船悉以奪取兼違國法
不輸租賦於是天皇遣春日小野臣大樹領敢
死士一百並持火炬圍宅而燒時自火炎中自
狗暴出逐大樹臣其大如馬大樹臣神色不變

拔刀斬之即化為文石小麻呂秋九月木工猪
名部真根以石爲質揮斧斲材終日斲之不誤
傷刃天皇遊詣其所而恠問曰恒不誤中石耶
真根答曰竟不誤矣乃喚集采女使脫衣裙而
著犢鼻露所相撲於是真根暫停仰視而斲不
覺手誤傷刃天皇因噴讓曰何處奴不畏朕用
不真心妄輒答仍付物部使刑於野爰有同伴
巧者歎惜真根而作歌曰姁拖羅斯枳偉儼謎

能陀俱弥柯該志須弥難幡育我那稽摩拖例
 柯柯該武預姻拖羅須弥難幡天皇聞是歌反
 生悔惜喟然頽歎曰幾失人哉乃以赦使乘於
 甲斐黑駒馳詣刑所止而赦之用解徽纆復作
 歌曰農播拖磨能柯彼能矩廬古磨矩羅枳制
 播伊能致志難磨志柯彼能俱廬古磨一本伊能致
志難磨志而云伊志柯鷄阿羅磨志
 十四年春正月丙寅朔戊寅身狹村主青等共

吳國使將吳所獻手未才伎漢織吳織及衣縫
 兄媛弟媛等泊於住吉津是月為吳客道通磯
 齒津路名吳坂三月命臣連迎吳使即安置吳
 人於檜隈野因名吳原以衣縫兄媛奉大三輪
 神以弟媛為漢衣縫部也漢織吳織衣縫是飛
 鳥衣縫部伊勢衣縫之先也夏四月甲午朔天
 皇欲設吳人歷問群臣曰其共食者誰好乎羣
 臣僉曰根使主可天皇即命根使主為共食者

日本紀十四

二十三

給

遂於石上高拔原饗吳人時密遣舍人視察饗
 饗舍人復命曰根使主所著玉纒大貴冢好又
 衆人云前迎使時又亦著之於是天皇欲自見
 命臣連裝如饗之時引見殿前皇后仰天歔歔
 啼泣傷哀天皇問曰泣耶皇后避床而對曰此
 玉纒者昔妾兄大草香皇子奉穴穗天皇勅進
 妾於陛下時爲妾所獻之物也故致疑於根使
 主不覺涕垂哀泣矣天皇聞驚大怒深責根使

主對言死罪死罪實臣之愆詔根使主自今以
 後子子孫孫八十聯綿莫預羣臣之例乃將斬
 之根使主逃匿至於日根造稻城而待戰遂爲
 官軍見殺天皇命有司二分子孫一分爲大草
 香部民以封皇后一分賜茅渟縣主爲負囊者
 即求難波吉士日香香子孫賜姓爲大草香部
 吉士其日香香某語在穴穗天皇紀事平之後
 小根使主小根使主根使主子也夜卧謂人曰天皇城不

堅我父城堅天皇傳聞是語使人見根使主宅
實如其言故收殺之根使主之後爲坂本臣自
是始焉

十五年秦民分散臣連等各隨欲駭使勿委秦

造由是秦造酒甚以爲憂而仕於天皇天皇愛

寵之詔聚秦民賜於秦酒公公仍領率百八十

種勝奉獻庸調御調也給練充積朝廷因賜姓

曰禹豆麻佐佐一皆盈積之貌也

十六年秋七月詔宜桑國縣殖桑又散遷秦民

使獻庸調冬十月詔聚漢部定其伴造者賜姓

曰直一本云賜漢使

十七年春三月丁丑朔戊寅詔土師連等使進

應盛朝夕御膳清器者於是土師連祖吾筥仍

進攝津國來狹狹村山背國內村俯見村伊勢

國藤形村及丹波但馬因播私民部名曰贄土

師部

十八年秋八月己亥朔戊申遣物部菟代宿祢
物部目連以伐伊勢朝日即朝日即聞官軍至
即逆戰於伊賀青墓自矜能射謂官軍曰朝日
即手誰人可中也其所發箭穿二重甲官軍皆
懼菟代宿祢不敢進擊相持二日一夜於是物
部目連自執太刀使筑紫聞物部大斧手執楯
叱於軍中俱進朝日即乃遙見而射穿大斧手
楯二重甲并入身肉一寸大斧手以楯醫物部

目連目連即獲朝日即斬之由是菟代宿祢羞
愧不克七日不復命天皇問侍臣曰菟代宿祢
何不復命爰有讚岐田虫別進而奏曰菟代宿
祢怯也二日一夜之間不能擒執朝日即而物
部目連率筑紫聞物部大斧手獲斬朝日即矣
天皇聞之怒輒奪菟代宿祢所有猪名部賜物
部目連

十九年春三月丙寅朔戊寅詔置穴穗部

二十年冬高麗王大發軍兵伐盡百濟爰有少許遺衆聚居倉下兵糧既盡憂泣茲深於是高麗諸將言於王曰百濟心許非常臣每見之不可矣寡人覺自失恐更募生請遂除之王曰不可矣寡人聞百濟國者日本國之官家所由來遠久矣又王入仕天皇四隣之所共識也遂止之百濟記云蓋鹵王乙卯年冬狗大軍來攻大城七日七夜王城降陷遂失尉禮國王及大后王子等皆沒敵手

二十一年春三月天皇聞百濟為高麗所破以

久麻那利賜汝洙王救與其國時人皆云百濟國雖屬既亡聚憂倉下實賴於天皇更造其國汝洙王蓋鹵王母弟也日本舊記云以久麻那利賜誅多王蓋是誤也久麻那利者任那國下哆呼利聯之別邑也

二十二年春正月己酉朔以白髮皇子為皇太子秋七月丹波國餘社郡管川人水江浦嶋子乘舟而釣遂得大龜便化為女於是浦嶋子感以為婦相逐入海到蓬萊山歷觀仙衆語在別

卷

二十三年夏四月百濟文六分介王薨ミラセ天皇以昆支コムキ

王五子中第二未多王モト幼年聰明コムキウ勅喚オホノミ內裏親ニミ

撫頭カウラ面誠ミユトリ勅チムコロニシテ慇懃ヲ手レ使王其國仍賜兵器ツハモラフ并遣筑

紫國軍士五百人衛送於國是為東城王是歲

百濟調賦益於常例筑紫安致臣馬飼臣等率

船師以擊高麗秋七月辛丑朔天皇寢疾不預

詔賞テ罰支度事無巨細並付皇太子ニ八月庚午

朔丙子天皇疾弥甚與百寮辭訣握手歔シナケキタマフ崩

于大殿遺詔於大伴室屋大連與東漢掬直曰

方今區宇一家烟火トホシ萬里百姓艾安四夷賓服

此又天意欲寧區夏所以小心ニ勵バチ已日慎一日

蓋為百姓故也臣連伴造每日朝參國司郡司御如

隨時朝集何不罄竭心府誠勅慇懃義乃君臣

情兼父子庶籍臣連智力內外歡心欲令普天

之下永保安樂不謂遘疾弥留至於大漸此乃

人生常分何足言及但朝野衣冠未得鮮麗教化政刑猶未盡善與言念此唯以留恨今年踰若于不復稱天筋力精神一時勞竭如此之事本非為止欲安養百姓所以致此生子孫誰不屬念既為天下事須割情今星川王心懷悖惡行闕支于古人有言知臣莫若君知子莫若父縱使星川得志共治家國必當戮辱遍於臣連酷毒流於民庶夫惡子孫已為百姓所憚好子

孫足堪負荷大業此雖朕家事理不容隱大連等民部廣大充盈於國皇太子地居上嗣仁孝著聞以其行業堪成朕志以此共治天下朕瞑目何所復恨一本云星川王腹惡心麤天下著是時征新羅將軍吉備臣尾等民部甚多奴力是時征新羅將軍吉備臣尾相助勿令侮慢代行至吉備國過家後所率五百蝦夷等聞天皇崩乃相謂之曰領制吾國天皇既崩時不可失也乃相聚結侵寇傍郡於是尾代從家來會

蝦夷於娑婆水門合戰而射蝦夷等或踊或伏
能避脫箭終不可射是以尾代空彈弓弦於海
濱上射死踊伏者二隊二橐之箭既盡即喚船
人索箭船人恐而自退尾代乃立弓執末而歌
曰泚致你阿賦耶鳴之慮能古阿每你舉魯枳
舉曳儒阿羅每矩你你播枳舉曳底那唱訖自
斬數人更追至丹波國浦掛水門盡逼殺之
云追至浦掛遣人盡殺
日本書紀卷第十四終

日本書紀卷第十五

白髮武廣國押稚日本根子天皇

清寧天皇

弘計天皇

顯宗天皇

億計天皇

仁賢天皇

白髮武廣國押稚日本根子天皇

白髮武廣國押稚日本根子天皇大泊瀨幼武

天皇第三子也母曰葛城韓媛天皇生而白髮

長而愛民大泊瀨天皇於諸子中特所靈異二

十二年立為皇太子

二十三年八月大泊瀨天皇崩吉備稚媛陰謂

幼子星川皇子曰欲登天下之位先取大藏之

官長子磐城皇子聞母夫人教其幼子之語曰

皇太子雖是我弟安可欺乎不可為也星川皇

子不聽輒隨母夫人之意遂取大藏官鎖閉外

門式備乎難擁勢自由費由官物於是大伴室屋

大連言於東漢掬直曰大泊瀨天皇之遺詔今

將至矣宜從遺詔奉皇太子乃發軍士圍繞大

藏自外拒閉縱火燔殺是時吉備稚媛磐城皇

子異父兄兄君城丘前來目隨星川皇子而

被燔殺焉惟河内三野縣主小根慄然振怖避

火逃出抱草香部吉士漢彦脚因使初生於大

伴室屋大連曰奴縣主小根事星川皇子者信

而無有背於皇太子乞降洪恩救賜他命漢彦

乃具爲啓於大伴大連不入刑類小根仍使漢
彦啓於大連曰大伴大連我君降大慈愍促短
之命既續延長獲觀日色輒以難波來自邑大
井戸田十町送於大連又以田地與于漢彦以
報其恩是月吉備上道臣等聞朝作亂思救其
腹所生星川皇子率船師四十艘來浮於海既
聞被燔殺自海而歸天皇即遣使噴讓於上道
臣等而奪其所領山部冬十月己巳朔壬申大

伴室屋大連率臣連等奉璽於皇太子
元年春正月戊戌朔壬子命有司設壇場於磐
余甕粟陟天皇位遂定宮焉尊葛城韓媛爲皇
太夫人以大伴室屋大連爲大連平群真鳥大
臣爲大臣並如故臣連伴造等各依職位焉冬
十月癸巳朔辛丑葬大泊瀬天皇于丹比高鷲
原陵于時隼人晝夜哀號陵側與食不喫七日
而死有司造墓陵北以禮葬之是年也大歲庚

申 天孫降臨於天孫國大瀛海

二年春二月天皇恨無子乃遣大伴室屋大連

於諸國置白髮部舍人白髮部膳夫白髮部鞞

負負無遺跡令觀於後冬十一月依大嘗供奉

之新遣於播磨國司山部連先祖伊與來自部

小楯於赤石郡縮見也倉首忍海部造細目新

室見市邊押磐皇子子億計弘計畏敬兼抱思

奉為君奉養甚謹以私供給便起柴官權奉安

置乘驛馳奏天皇愕然驚歎良以愴懷曰懿哉

悅哉天垂博愛賜以兩兒是月使小楯持節將

左右舍人至赤石奉迎語在弘計天皇紀

三年春正月丙辰朔小楯等奉億計弘計到攝

津國使臣連持節以王青蓋車迎入宮中夏四

月乙酉朔辛卯以億計王為皇太子以弘計王

為皇子秋七月飯豐皇女於角刺宮與夫初交

謂人曰一知女道又安可異終不願交於男

此或本下有男字江

有^レ夫未^カ 九月壬子朔癸丑遣^テ臣連巡^ラ省風俗冬

十月壬午朔乙酉詔^シ犬馬器^モ翫^ニ不得^レ獻^ス上^ニ十

月辛亥朔戊辰宴^シ臣連於^テ大延賜^シ綿帛皆^テ任^ス其

自取^テ盡^シ力而出^ス是月海表諸蕃並遣^テ使進^シ調

四年春正月庚戌朔丙辰宴^シ海表諸蕃使^シ者於

朝堂賜^シ物各有^レ差^ニ宴^シ閏五月大舖五日秋八月

丁未朔癸丑天皇親^レ錄囚徒是日蝦夷隼人並

内附九月丙子朔天皇御射殿詔^シ百寮及海表

使者射賜物各有差

五年春正月甲戌朔己丑天皇崩于宮時年若

千冬十一月庚午朔戊寅葬于河内坂門原陵

清本

弘計天皇

顯宗天皇

弘計天皇 目^ミ繼^キ子^コ大兄^{オヒ}去來^{イサ}穗^ホ別^{ワケ}天皇孫也市

邊押磐皇子子也母曰^ハ萋媛^{ハエ} 萋此云波曳譜^ハ慕^ニ

娶^シ蟻臣女萋媛遂生^シ三男二女其一曰^ハ居夏姬

日本紀十五

五

日弘計王更名來日稚子其四日飯豐女王亦
名忍海部女王其五日橘王一本以飯豐女王
列叙於億計王之上蠟
臣者葦田宿祢子也

天皇久居邊裔悉知百姓憂苦恒見枉屈若納

四體溝隍布德施惠政令流行郵貧養孀天下

親附穴穗天皇三年十月天皇父市邊押磐皇

子及帳内佐伯部仲子於蚊屋野為大泊瀬天

皇見殺因埋同穴於是天皇與億計王聞父見

射恐懼皆逃已自匿帳内日下部連使主使主

部連之名也使與其子吾田彦吾田彦使竊奉

天皇與億計王避難於丹波國余社郡使主遂

改名字曰田疾來尚恐見誅從茲遁入播磨國

縮見山石室而自經死天皇尚不識使主所之

勸兄億計王向播磨國赤石郡俱改字曰丹波

小子就仕於縮見屯倉首縮見屯倉首忍吾田

彦至此不離固執臣禮

白髮天皇二年冬十一月播磨國司山部連先

祖伊與來目部小楮於赤石郡親辨新嘗供物

一云田巡行郡縣適會縮見屯倉首縱賞新室以

夜繼晝爾乃天皇謂兄億計王曰避亂於斯年

踰數紀顯名著貴方屬今宵億計王惻然歎曰

其自道揚見害孰與全身免厄也歟天皇曰吾

是去來穗別天皇之孫而困事於人飼牧牛馬

豈若顯名被害也歟遂與億計王相抱涕泣不

能自禁億計王曰然則非弟誰能激揚大節可

以顯著天皇固辭曰僕不才豈敢宣揚德業億

計王曰弟英才賢德爰無以過如是相讓再三

而果使天皇自許稱述俱就室外居乎下風屯

倉首命居竈傍左右秉燭夜深酒酣次第僂訖

屯倉首謂小楮曰僕見此秉燭者貴人而賤已

先人而後已恭敬樽節退讓以明禮樽猶趨也

也可謂君子於是小楮撫絃命秉燭者曰起僂

於是兄弟相讓久而不起小楮噴之曰何為太

遲速起儻之。意計王起儻既了。天皇次起自整。

衣帶為室壽日。築立稚室葛根。築立柱者。此家

長御心之鎮也。取舉棟梁者。此家長御心之林

也。取置椽椽者。此家長御心之齊也。取置蘆葦

者。此家長御心之平也。蘆葦此云哀都。取結繩

葛者。此家長御壽之堅也。取葶草葉者。此家長

御富之餘也。出雲者新墾。新墾之十握稻之穗於

淺甕釀酒。美飲喫哉。美飲喫哉。此云于魔羅。吾

子等之通稱也。脚日本此傍山牡鹿之角。此云

左鳴舉而吾儻者。青酒餌香市。不以直買。手掌

摺亮。則舉謀那羅羅你。拍上賜。吾常世等壽

畢。乃起節歌曰。伊儻武斯廬。寄鞞你比野儻擬。

寐逗愈凱麼儻。弭公於已陀智。曾能泥播宇世

儒。小楮謂之曰。可伶。願復聞之。天皇遂作殊儻

殊儻古謂之。立出儻立出。此云陀。誥之曰。倭者

彼彼葛原。淺葛原。第日僕是也。小楮由是深音

異焉更使唱之。天皇詰之曰。石上振之神。招此

云須伐本截末。利須衛於茲。婆羅比。於市邊。

宮治天下。天萬國萬押。般尊御。裏僕是也。小楮

大驚離席。悵然再拜。承事供給。寧屬欽伏。於是

悉發郡民造宮。不日權奉安置。乃詣京都求迎

二王。白髮天皇聞意。咨歎曰。朕無子也。可以為

嗣。與大臣大連定策。禁中仍使播磨國司來自

部小楮。持節將左右舍人。至赤石奉迎。白髮天

皇三年春正月。天皇隨億計王。到攝津國。使臣

連持節。以王青蓋車。迎入宮中。夏四月。立億計

王為皇太子。立天皇為皇子。五年春正月。白髮

天皇崩。是月。皇太子億計王。與天皇讓位。久而

不處。由是。天皇姊。飯豐青皇女。於忍海角刺宮。

臨朝秉政。自稱忍海飯豐青尊。當世詞人歌曰。

野麻登陞。你。湫我保。指母能婆。於尸農。湫能。莒

能。拖寄紀。讎屢都。奴婆之能。湫野。冬十一月。飯

豊青尊崩葬葛城埴日丘陵十二月百官大會
皇太子億計取天皇之璽置之天皇之坐再并
從諸臣之位曰此天皇之位有功者可以處之
著貴蒙迎皆弟之謀也以天下讓天皇天皇願
讓以弟莫敢即位又奉白髮天皇先欲傳兄立
皇太子前後固辭曰日月出矣而燭火不息其
於光也不亦難矣時雨降矣而猶浸灌不亦勞
乎所貴爲人弟者奉兄謀逃脫難照德解紛而
所謂貴旧事本紀

無處也即有處者非弟恭之義弘計不忍處也
兄友弟恭不易之典聞諸古老安自獨輕皇太
子億計曰白髮天皇以吾兄之故舉天下之事
而先屬我我其羞之惟大王道建利道聞之者
歎息彰顯帝孫見之者殞涕憫憫搢紳物荷戴
天之慶哀哀黔首悅逢履地之恩是以克固四
維永隆萬業功隣造物清猷映世超哉邈矣粵
無得而稱雖是日兄豈先處乎非功而據咎悔

在^テ幼^{ホカキ}年^ニ亡^{ニケテ}逃^テ自^テ匿^テ猥^テ遇^テ求^テ迎^ニ升^{ツケテ}纂^{ツクテ}大^ニ業^ニ廣^ニ求^テ御^モ

骨^ヲ莫^ク能^ズ知^ル者^ヲ詔^シ畢^テ與^テ皇^ノ太^ノ子^ノ億^ノ計^ヲ泣^キ哭^キ憤^キ愧^キ不^レ

能^ズ自^ラ勝^ツ是^レ月^ニ召^シ聚^テ蕃^キ宿^ス天^ノ皇^ノ親^シ歷^シ問^フ有^テ一^ノ老^ノ嫗^ヲ

進^テ曰^ク置^目知^ル御^ノ骨^ノ埋^ル處^ヲ請^フ以^テ奉^シ示^ス也^也近^ク江^ノ國^ノ狹^ク

狹城山君祖倭宿祢於是^ニ天^ノ皇^ノ與^テ皇^ノ太^ノ子^ノ億^ノ

計^ヲ將^テ老^ノ嫗^ヲ婦^ヲ幸^テ于^テ近^ク江^ノ國^ノ來^ク田^ノ綿^ノ蚊^ノ屋^ノ野^ノ中^ニ掘^リ

出^テ而^テ見^ル果^シ如^ク婦^ノ語^ノ臨^テ穴^ニ哀^シ號^シ言^フ深^ク更^ニ慟^ク自^ラ古^ノ以^テ

來^テ莫^ク如^ク斯^ノ酷^ノ仲^子之^ノ尸^ヲ交^テ橫^テ御^ノ骨^ノ莫^ク能^ズ別^ル者^ヲ爰^ニ

有^テ磐^ノ坂^ノ皇^ノ子^ノ之^ノ乳^ノ母^ヲ奏^シ曰^ク仲^子者^ヲ上^ノ齒^ノ隨^テ落^ル以^テ

斯^ヲ可^ク別^ル於^テ是^ニ雖^モ由^テ乳^ノ母^ノ相^テ別^ル髑^ノ髒^ノ而^モ竟^シ難^ク別^ル四^ノ

支^ヲ諸^ノ骨^ノ由^テ是^ニ仍^シ於^テ蚊^ノ屋^ノ野^ノ中^ニ造^リ起^テ雙^ノ陵^ノ相^テ似^ク如^ク

一^ノ葬^ノ儀^ヲ無^ク異^ク詔^シ老^ノ嫗^ヲ置^目居^テ于^テ宮^ノ傍^ノ近^ク處^ニ優^ク崇^ム

賜^シ卹^シ使^テ無^ク乏^ク少^ク是^レ月^ニ詔^シ曰^ク老^ノ嫗^ヲ伶^シ俦^ノ羸^シ弱^シ不^レ便^シ

行^ク步^ス宜^シ張^テ繩^ヲ引^テ組^テ杖^ヲ而^テ出^テ入^ル繩^ノ端^ニ懸^テ鐸^ヲ無^ク勞^ク謁^ス

者^ヲ入^レ則^シ鳴^ク之^ヲ朕^ハ知^ル汝^ノ到^ル於^テ是^ニ老^ノ嫗^ヲ奉^テ詔^シ鳴^ク鐸^ヲ而^テ

進^テ天^ノ皇^ノ遙^シ聞^ク鐸^ノ聲^ヲ歌^フ曰^ク阿^ノ佐^ノ臈^ノ鞞^ノ囉^ノ鳴^ク贈^テ祢^ヲ鳴^ク

須擬モ百謀モ逞モ拖モ甫モ奴モ衣モ喻モ羅モ俱モ慕モ與モ於モ岐モ每モ俱モ
羅之慕モ三月上巳幸後苑曲水宴モ夏四月丁酉
朔丁未詔曰凡人主之所以勸民者惟授官也
國之所以興者惟賞功也夫前播磨國司來目
部小楯更名求迎舉朕厥功茂為所志願勿難
言小楯謝曰山官宿所願乃稱山官改賜姓山
部連氏以吉備臣為副以山守部為民褒善顯
功酬恩甚厚寵愛殊純富莫能儔五月狹狹城

山君韓休宿祿事連謨殺皇子押磐臨誅叩頭
言詞極哀天皇不忍加戮充陵戶兼守山削除
籍帳誅山部連惟倭休宿祿因妹置目之功仍
賜本姓狹狹城山君氏六月幸避暑殿奏樂會
羣臣設以酒食是年大歲乙丑
二年春三月上巳幸後苑曲水宴是時喜集公
卿大夫臣連國造伴造為宴羣臣頗稱萬歲秋
八月己未朔天皇謂皇太子億計曰吾父先王

無罪而大泊瀨天皇射殺棄骨郊野至今未獲
憤歎盈懷卧泣行號志雪讎耻吾聞父之讎不
與其戴天兄弟之讎不反兵交遊之讎不同國
夫匹夫之子居父母之讎寢苦枕于不與共國
遇諸市朝不反兵而便鬪况吾立為天子二年
于今矣願壞其陵摧骨投散今以此報不亦孝
乎皇太子億計厥歆不能答乃諫曰不可大泊
瀨天皇正統萬機臨照天下華夷欣仰天皇之

身也吾父先王雖是天皇之子遭遇迺遭不登
天位以此觀之尊卑惟別而忍壞陵墓誰人主
以奉天之靈其不可毀一也又天皇與億計曾
不蒙遇白髮天皇厚寵殊恩豈臨寶位大泊瀨
天皇白髮天皇之父也億計聞諸老賢老賢曰
言無不酬德無不報有息不報敗俗之深者也
陛下饗國德行廣聞於天下而毀陵翻見於華
裏億計恐其不可以蒞國子民也其不可毀二

也。天皇曰。善哉。令罷役。九月置日。老困乞還曰。

氣力衰邁。老髦虛羸。要假杖繩。不能進步。願歸。

桑梓。以送厥終。天皇聞惋痛。賜物千段。送傷岐。

路重感難。期乃賜歌曰。於岐每慕與阿甫彌能。

於岐每阿須用利。鞞弥野磨我俱利底。弥曳孺。

寄謨阿羅牟。冬十月戊午朔癸亥。宴羣臣。是時。

天下安平。民無徭役。歲比登稔。百姓殷富。稻解。

銀錢一文。馬被野。天皇之平。豐饒。國。不。登。

三年春二月己卯朔阿閉臣事代御命出使于

任那。於是月神著人謂之曰。我祖高皇產靈有。

頌鎔造天地之功。宜以民地奉我月神。若依請。

獻我當福慶事代。由是還京具奏。奉以歌荒操。

田歌荒田在山背國葛野郡壹伎縣主先祖押見宿禰侍祠。

三月上巳。幸後苑曲水宴。其四月丙辰朔庚申。

日神著人謂阿閉臣事代曰。以磐余田獻我祖。

高皇產靈事代便奏。依神乞獻田十四町對馬。

下縣直侍祠戊辰置福草部庚辰天皇崩于八
釣宮是歲紀生磐宿祢跨據任那交通高麗將
西王三韓整脩官府自稱神聖用任那左魯那
奇他甲肖等計殺百濟適莫爾解於爾林爾林高麗
地築帶山城距守東道斷運糧津令軍飢困百
濟王大怒遣領軍古爾解內頭莫古解等率眾
趣于帶山攻於是生磐宿祢進軍逆擊膽氣益
壯所向皆破以一當百俄而兵盡力竭知事不

濟自任那歸由是百濟國殺佐魯那奇他甲肖
等三百餘人

億計天皇

仁賢天皇 清本

億計天皇諱大脚更名大為自餘諸天皇不
諱字而至此天皇獨自書者

據舊字嶋郎弘計天皇同母兄也幼聰穎才敏
多識然而仁惠謙怨温慈及穴穗天皇崩避難
於丹波國余社郡白髮天皇元年冬十一月播

磨國司山部連小楯詣京求迎白髮天皇尋遣ツイテ

小楯持節將左右舍人至赤石奉迎二年夏四スルキ

月遂立億計天皇為皇太子事具弘計五年白

髮天皇崩天皇以天下讓弘計雄天皇為皇太子

如故事具弘計三年夏四月弘計天皇崩

元年春正月辛巳朔乙酉皇太子於石上廣高

宮即天皇位或本云億計天皇之宮有二所焉

殿柱至二月辛亥朔壬子立前妃春日大娘皇

女為皇后春日大娘皇女大泊瀨天皇娶和遂

產一男六女其一曰高橋大娘皇女其二曰朝

孀皇女其三曰手白香皇女其四曰樟氷皇女

其五曰橘皇女其六曰小泊瀨稚鷦鷯天皇及

有天下都泊瀨列城其七曰真稚皇女一本以

皇女列于第三以手白香次和臣曰爪女糠君娘

生一女是為春日山田皇女觸一本云和觸女大糠娘生一

女是為山田大娘皇女更名赤見皇女文雖稍異其實一也

冬十月丁未朔己酉葬弘計天皇于傍岳磐杯
丘陵是歲也大歲戊辰

二年秋九月難波小野皇后恐宿不敬自死弘計

天皇時皇太子億計侍寢取瓜將喫無刀子弘計天皇親執刀子命其夫人小野傳進夫人就前立置刀子於心盤是日更酌酒立喫皇太子緣斯不敬怒誅自死

三年春二月己巳朔置石上部舍人

四年夏五月的臣蚊鳴穗允君此倍有罪皆下

獄死

五年春二月丁亥朔辛卯普求國郡散亡佐伯

部以佐伯部仲子之後為佐伯造依伯部仲子事見弘計天

皇紀

六年秋九月己酉朔壬子遣日鷹吉士使高麗

召巧手者是秋日鷹吉士被遣後有女人居于

難波御津哭之曰於母亦兄於吾亦兄弱草吾

夫何怜矣言於母亦兄於吾亦兄此云於慕尼慕是阿例尼慕是言吾夫何怜矣此

云阿我圖摩播耶言弱草謂古者哭聲甚哀令以弱草喻夫婦故以弱草為夫

入斷腸菱城邑人鹿父鹿父人名也俗聞而向

前日何哭之哀甚若此乎女人荅曰秋苾之轉

雙雙重也納可思惟矣鹿父曰世秘世諾即知所言矣有

同伴者不悟其意問曰何以知乎荅曰難波玉

伴部鯽魚女言鯽魚女此嫁於韓白水即嘆言韓

白冰即嘆此云柯羅摩能生哭女哭女此云難

其女哭女曾既俱死住道人山寸并上野玉伴部

鯽魚女生鹿寸鹿寸娶飽田女於是鹿寸從日

鷹吉士發向高麗由是其妻飽田女徘徊レラヒ願戀

失緒傷心哭聲尤切令人腸斷玉伴部鯽魚女

為夫婦生哭女住道人山寸娶哭女生飽田女

山寸妻父韓白水即嘆與其子哭女曾既俱死


住道人山寸上野妻母玉伴部鯽魚女生鹿寸

鹿寸娶飽田女或本云玉伴部鯽魚女共前夫

飽田女則哭女與鹿寸異父兄弟之故哭女之女

以_レ女稱_レ妹_イ故_レ云_レ於_レ母_ニ是歲日鷹吉士還_レ自高麗

亦_レ兄_ニ於_レ吾亦兄耳_ニ須流枳奴流枳等_ヲ今倭國山邊郡額田



高麗是其後也

七年春正月丁未朔己酉立小泊瀨稚鷦鷯尊

為皇太子

八年冬十月百姓言是時國中無事吏稱其官

海內歸仁民安其業是歲五穀登衍蠶麥善收

遠近清平戶口滋殖焉

十一年秋八月庚戌朔丁巳天皇崩于正寢冬

十月己酉朔癸丑葬埴生坂本陵

日本書紀卷第十五

終

